

# UKM Hordaland

Info til kommunekontaktane



HORDALAND  
FYLKESKOMMUNE



## **1. Kort om arbeidet mot UKM-festivalen i Hordaland 2016**

### **1.1 Nytt namn og vidare satsing**

Styret i UKM har med sin strategiplan for åra 2015 – 2020 oppgradert visjon og profil og har i tillegg endra namnet Ungdommens Kulturmönstring til å offisielt stå for «Ung Kultur Møtes». Dette namnet er enklare å nytte som forklaring på UKM i ulike samanhengar framfor ordet «kulturmönstring». Det er i tillegg enklare å omsetje til andre språk. I tråd med dette vil fylkesmönstringa av UKM Hordaland i 2016 heite UKM-festivalen i Hordaland 2016.

Styret i UKM Norge viser til at lokale arrangørar fortsatt kan vise til UKM-lokalmönstring, og ein kan fortsatt snakke om «fylkesmönstringa til UKM». Den originale tydinga av UKM vil nok aldri forsvinne heilt.

I strategiplanen er den nye visjonen følgjande: **«UKM: Norges viktigste møteplass for ung kultur»**. I 2015 markerte fylkesmönstringa i UKM Hordaland mykje nytta for å samle alle deltakerane. I 2016 vil desse satsingane styrkast med at det m.a. vil bli fleire workshops og sosiale aktivitetar.

### **1.2 Gåve frå Sparebankstiftelsen SR-Bank**

Hordaland fylkeskommune har fått ei gåve frå Sparebankstiftelsen SR-Bank som skal gå til arbeidet om UKM i Hordaland. Gåva er på storleik 500 000 kroner, fordelt likt over åra 2016 og 2017. Sparebankstiftelsen SR-Bank ein mild gåvegivar utan gjenytelse og denne gåva gir Hordaland fylkeskommune høve til å styrke satsinga kring UKM Hordaland og UKM-festivalen i Hordaland med fleire workshops og fleire sosiale aktivitetar på kveldstid, i tillegg til å tilby deltakarane moglegheita om å spele med eit profesjonelt husband framfor playback under UKM-festivalen i Hordaland.

### **1.3 Dato og stad**

UKM-festivalen i Hordaland 2016 vert arrangert 15.-17.april på USF Verftet. Tekniske prøver og workshops vert arrangert fredag 15.april. Hordaland fylkeskommune er kjent med at dette vil komme i konflikt med skuletid til deltakrar. Årsaken til at vi må starte fredagen er for å kunne gi alle deltakerane høve til teknisk prøve. Dersom deltakerar vel bort teknisk prøve, er sein innsjekking fredag mogleg. Framsyningane vert arrangert laurdag 16. og sundag 17. april, og kunstutstillinga vert opna laurdagen.

### **1.4 UKM-Kick-off**

Det vert arrangert eit kick-off på USF for å samle deltakerane fredag kveld. Meir informasjon kjem på kommunekontaktmøtet 22.-23.oktober 2015.

### **1.5 Prinsipp for deltaking**

Det er eit føremon at deltakerane er tilstade under UKM-festivalen i Hordaland frå fredag kveld til siste fram-synig sundag. Meir informasjon om dette står under pkt. 2.

### **1.6 Reiseleirarar**

Hordaland fylkeskommune set som føresetnad at kvar kommune sender med minst ein voksen leiar per tiande deltakar. Meir informasjon om dette står under pkt. 5.7.1.

### **1.7 Fagpanel**

UKM er ikkje ein konkurranse, det er ein møteplass. Deltakerane som vert sendt vidare skal gi eit bilet av kvaliteten, mangfaldet og breidda av kulturaktivitetane blant ungdom i kommunen/fylket. Det er ikkje mogleg å nytte reelle konkurranseregler under UKM og signal frå ungdommar er at konkurransespektet i UKM må tones ned.

Juryordninga vi har i UKM er noko problematisk ved at det gir nettopp eit konkurransereg. Hordaland fylkeskommune går inn for ei justering av dette ved å innføre fleire fagpanel som har ansvar for kvar sin kategori. Det

vert eit fagpanel for kategoriane musikk/theater/konferansier/anna, eit fagpanel for dans, eit fagpanel for litteratur, eit fagpanel for film, og eit fagpanel for kunst. Ved at alle deltakerane innan same kategori vert vurdert av eitt fagpanel vert det høve for å sikre at breidda av det unge kulturlivet i fylket vert presentert på landsfestivalsen. I tillegg vil fagpanelet skrive ei tilbakemelding til kvar deltar/gruppe som fylkeskontakten sendar til kommunekontaktane per e-post. Deltakerar frå gruppene Ung Arrangør og UKM Media går gjennom ei nominasjonsprosess.

## 1.8 UKM Media

Nettredaksjon, web-tv og Ung PR er samla under det nye omgrepet UKM Media, der også fleire deltagargrupper vert invitert til å bidra. **Litteratur- og fotodeltakerane** får tilbod om å bidra til høvesvis tekst-gruppa og fotogruppa i UKM Media.

## 1.9 Husband

Vi ønskjer å tilby eit profesjonelt husband til deltakerane i 2016 og jobbar med å få dette til. Meir informasjon om dette vil kome på kommunekontaktmøtet 22.-23.oktober 2015.

## 1.10 Kommunepakkar

Kvar kommune vil få tilsendt ei pakke med informasjon, armband og diplom til deltakerane i forkant av UKM-festivalen i Hordaland.

# Førerels festival-informasjon

**Under kommunekontaktmøtet i oktober vil det kome meir informasjon og vi ønskjer innspel frå alle kommunekontaktane om korleis UKM-festivalen i Hordaland 2016 kan bli. Vi vil ta med oss innspel og sende konsentrert festival-informasjon innan utgangen av januar 2016.**

## Kvoter og vidaresending

Kvar kommune kan sende maksimalt 25 deltakerar til UKM-festivalen i Hordaland. I tabellen kan de sjå kor mange deltakerar de maksimalt kan sende innan kvar type.

| Pkt.  | Type            | Tal                                  | Vidaresendingsform             | Dokumentasjon i arrangørsystemet      |
|-------|-----------------|--------------------------------------|--------------------------------|---------------------------------------|
| 5.1   | Sceneinnslag    | 4 stk                                | Vanleg måte i arrangørsystemet | Foto<br>+ evt. playback               |
| 5.1.1 | Litteratur      | 2 stk                                | Vanleg måte i arrangørsystemet | Foto<br>+ evt. playback               |
| 5.2   | Film            | 1 stk,<br>2 stk. hvis < 6 min totalt | Vanleg måte i arrangørsystemet | Originalfil                           |
| 5.3   | Kunst           | 5 kunstverk                          | Vanleg måte i arrangørsystemet | Foto av kunstnar<br>Foto av kunstverk |
| 5.4   | Konferansier    | 2 stk                                | Vanleg måte i arrangørsystemet | Foto                                  |
| 5.5.1 | Unge arrangørar | 5                                    | Vanleg måte i arrangørsystemet | Kompetanseskjema                      |
| 5.5.2 | UKM Media       | 5                                    | Vanleg måte i arrangørsystemet | Kompetanseskjema                      |

## Kostnadar

Deltakaravgift er **700 kroner**.

Deltakaravgifta inkluderer overnatting fredag til sundag, matservering, billetter til framsyningar, konserter og kunstutstilling, samt gratis tilgjenge til workshops og andre arrangement.

## 2. Prinsipp for deltaking

Hordaland fylkeskommune og UKM Norge vil gjerne understreke at det å bli sendt vidare til UKM-festivalen i Hordaland handlar om å ta del i festivalen, møte og bli kjent med andre, vise seg fram og samhandle. Det dreier seg om mykje meir enn å gjere ein kjapp opptreden i Bergen. UKM skal vektleggjast som ei møteplass, i tråd med styret i UKM Norge sine vedtekter.

UKM-festivalen i Hordaland er ei stor pakke av opplevingar, der summen av framsyningar, konsertar, workshops, sosiale aktivitetar, overnatting osv., utgjør en heilskap, og eit minne for livet. Dei ungdommane som vert sendt vidare fortener å få oppleve denne heilskap, og det er vår oppgåve som vaksne i systemet å sørge for det. Det er ei målsetjing at alle deltakarane sit igjen med ei kjensle av å ha vore med på noko veldig kjekt, lært noko nytt, fått vist seg fram, blitt kjent med andre som liker det same som ein sjølv og fått nye vener.

Dette betyr at kommunekontakt må leggje til rette for at deltakarane reiser og bor saman som ei gruppe og at kommunane er på plass i Bergen til rett tid. Tidspunkt for oppmøte fredagen vert annonseret seinare. Dersom ein deltakar ønsker å prioritere noko anna framfor UKM-festivalen i Hordaland og dermed ikkje kan delta meir eller mindre frå start til slutt, så bør vedkommande kanskje erstattast med nokre frå "reservelista". Eit tips er å ikkje annonsera på lokalmönstringa kven som skal representere kommunen på UKM-festivalen i Hordaland , men annonsera dette på nettsida i etterkant. Dette vil gi deltakerane høve til å avgjere sjølv om dei vil delta eller ikkje.

Det er sjølvsagt ein del gode grunner til eit forkorta opphold på UKM-festivalen i Hordaland som t.d. eksamen, sjukdom, planlagde utanlandsopphald, osv., men det er viktig at kommunekontaktane generelt sett er på linje med oss i denne saken og generelt ikkje legg til rette for at deltakarar kan komme og gå som dei vil.

## 3. Vidaresending

**Frist vidaresending er 7.mars 2016**

Alle deltakerar som vert vidaresendt til UKM-festivalen i Hordaland skje via det nettbaserte arrangørsystemet. Kommunekontaktane er ansvarleg for å gjennomføre grundig kontroll, korrektur og ajourføring av samlede opplysningar før alle innslag vert sendt vidare. Vær spesielt nøye med tekniske krav og spesifikasjonar, utfylle konferansieropplysninga og at alle namn er korrekt skrevet. Husk at mange av opplysningane kjem i programmet!

### 3.1 Dokumentasjon i arrangørsystemet

Vi ber om at det vert lasta opp video av alle filminnslag som vert vidaresendt, og at det vert lasta opp bilete av alle kunstverk vert vidaresendt. (Vi anbefaler at de dokumenterer alle innslag og kunstverk på kommunemönstringa uansett). I tillegg ber vi om at det vert lasta opp eit bilde av kvar einskilde kunstnar, samt av alle scene-innslag for presentasjon i programmet.

## 4. Aldersgrense

Aldersgrense på UKM-festivalen i Hordaland er 13 til 20 år. For grupper gjeld regelen om at minst halvparten av deltakarane skal være innanfor desse rammene.

## 5. Kvoter og rammer

### 5.1 Sceneinnslag

Alle gruppene får éin framsyning i Røkeriet, USF. Vi jobbar med høve for ein framsyning til, som vil gjelde som ein biscene.

### **5.1.1 Litteratur og teater – særleg kvote**

På UKM-festivalen i Hordaland vil eventuelle litteraturinnslag om mogleg bli presentert på fleire måtar, både frå scene og som ei del av utstillinga. Vi ønskjer å stimulere til meir litteratur og teater i UKM, og det vil også være aktuelt å vidaresende deltakerar utanfor den ordinære kvoten. Ta kontakt dersom din kommune har gode litteratur- og/eller teater-innslag å sende vidare.

UKM Media: Litteraturdeltakerar får tilbod om å delta i tekstgruppa.

### **5.2 Film**

Maksimal lengde på ein film er **5 minuttar**. Hovudregel er at kvar kommune kan sende 1 film. **Unntak:** Det er høve for å vidaresende 2 filmar dersom desse til saman ikkje overstiger 6 minuttar. Minimum éin deltakar skal følgje kvar film og være tilstade på UKM-festivalen i Hordaland.

Alle filmar som går vidare skal lastas opp i vidaresendingssystemet i høgast mogleg kvalitet (og aller helst HD). Vi ønskjer at de nytter MPEG4-filer, gjerne H.264-komprimert, men alle filer av typen MOV, MPEG og AVI er godkjente mottaksformater. Ved andre formater må dette ha godkjenning frå fylkeskontakt. Vi ber om at **alle undersøker med deltakarane** at dei har levert den beste kvaliteten tilgjengelig, for å sikre at videoen vert vist på ein verdig måte på UKM-festivalen i Hordaland.

UKM Media: Filmdeltakerane vil under UKM-festivalen i Hordaland få høve til å jobbe med videoreportasjar.

### **5.3 Utstilling**

Kommunane kan sende **maksimum 5 verk** til utstillinga. (Som eitt verk godtas også mindre grupper av bileter som har vore presentert som ein heilskap på kommunemønstringa). Minimum éin deltakar skal følgje kvart verk og være tilstade på UKM-festivalen i Hordaland.

Kunstverka skal sendast til Hordaland fylkeskommune, Kultur- og idrettsavdelinga, Seksjon for kunst og kulturformidling v/Marianne Ose Askvik, Postboks 7900, 5020 Bergen. Dei kan og leverast personleg til Fylkeshuset i Bergen til fylkeskontakt Marianne Ose Askvik sitt kontor i 7.etg (Adr: Agnes Mowinckels gate 5).

UKM Media: Fotodeltakerane får tilbod om å delta i fotogruppa.

Kommunane skal utpeke **1 ansvarleg leiar** for utstillerane (dette kan vere kommunekontakten eller ein reiseleiar). Denne personen får høve til å dobbeltsjekke at all info om kunstnar og kunstverk på utstillinga frå sin kommune er korrekt, og har ansvar for at all kunsten vert pakka ned og sendt heim sundag ettermiddag/kveld.

### **5.4 Konferansierar**

Med omsyn til konferansierane og andre deltakerar ber vi om de legg lista høgt for kven de vel å sende vidare til UKM-festivalen i Hordaland. Kvar kommune kan vidaresende inntil **2 personar**.

### **5.5 Unge arrangørar og UKM Media**

#### **5.5.1 Unge arrangørar**

Unge Arrangørar består både av dei som er påmeldt som arrangørar og sceneteknikarar i påmeldingssystemet. Vi jobbar med å få på plass ein workshop før UKM-festivalen slik at desse deltakerane er førebudd på arbeidet som ventar dei

#### **5.5.2 UKM Media**

UKM Media samlar tidlegare omgrep som nettredaksjon, web-tv og Ung PR/PR-gruppa.

### **5.7 Total kommunekvote**

Kvar kommune har ein kvote på **25 deltakerar og 3 leiarar**.

### **5.7.1 Reiseleiarar**

Kvar kommune skal sende **minimum 1 vaksen leiar per tiande deltarar**. Dersom kommunen har med seg meir enn 20 deltakerar skal det dermed vere minst 3 leiarar. Det er ikkje fastsett felles retningsliner for kven som skal vere reiseleiarar, men det er viktig at dei er eldre enn deltakerane, og at dei er ansvarlige vaksne.

Hordaland fylkeskommune vil råde kommunane til å ta kontakt med tidlegare UKM-deltakerar, som no er vaksne, eller vaksne UKM-ambassadørar for å høre om dei vil vere reiseleiarar. Dette kan vere med og skape meirverdi av festival-oppholdet.

Ettersom dette er fyrste året Hordaland fylkeskommune set reiseleiarar som krav, vil det ikkje følgje med kostnad for overnatting fredag til sundag, matservering, samt billetter til framsyningar, konserter og kunstutstilling.

Vi anbefaler alle kommunar om å innhente politiattest på sine reiseleiarar:

<https://www.politi.no/tjenester/politiattest/>

**Hordaland fylkeskommune oppmodar at alle kommunekontaktane er tilstade under UKM-festivalen i**

## **6. Matservering og innkvartering**

Innkvartering vert annonserat seinare. Minst 1 voksen pr. 10. deltarar skal overnatte saman med deltarane. Alle må ta med seg sovepose og liggjeunderlag. Første måltid vert servert fredag frå kl. 11:00. Laurdag og sundag vert det servert 3 måltider per dag.

### **6.1 Sekretariat**

Det vil være sekretariat inne i hallen på USF, same stad som sist gong. I tillegg vil det vere vakt og infotener der vi skal sove. Det er høve for å oppbevare verdisaker og instrument både ved sekretariatet på USF og i der vi skal sove.